

武陵縣志卷之三十五

同治壬戌編成

陽湖 惲世臨鑒定

邑人 陳啟邁纂輯

人物志第一

重華四友一釣義陵流風所被瓌彥挺生晦侈藻翰顯
列簪纓敷歷中外大節光明采蘭絜膳贈麥推誠來遊
留迹操術成名懿哉巾幗檠苦冰清曰節曰烈曰孝曰
貞令妻壽母載咏葩經徽縣百世允協鄉評志人物
仕蹟^上

周

武陵縣志

卷之三十五

人物志

仕蹟

一

伍度員之子自齊鮑氏歸楚白公勝兄事之封鮑侯度懼禍

之武陵家焉今伍氏其裔也厥後有伍被傳載漢書湖廣通志

漢

田彊初為武陵酋長王莽篡漢招之錫以銅印彊曰吾漢臣
義不事他姓有子十人皆雄勇以其三子將五谿兵下屯沅

東各築一城烽火相望以拒莽

姓譜

廖立字公淵先主領荊州牧辟為從事年三十擢為長沙太
守先主入蜀諸葛亮鎮荊土孫權遣使通好於亮因問土人
皆誰相經緯者亮曰龐統廖立楚之良材當贊興事業者也
建安二十年呂蒙奄襲南三郡立脫身走自歸先主先主不

深責以爲巴郡太守及先主爲漢中王徵爲侍中後主襲位徙長水校尉以事廢爲民徙汶山郡率妻子耕植自守聞亮卒泣曰吾終爲左袵矣後姜維率偏師經汶山立意氣不衰言笑自若無怨言卒於徙所

蜀志本傳

潘濬字承明弱冠從宋仲子受學劉表辟爲江夏從事時沙羨長臧穢不修濬按殺之一郡震悚先主牧荊州以爲治中從事及入蜀留典州事孫權并荆土稱疾不見權慰勞之拜撫軍中郎將五谿蠻畔假節督軍討之信賞必行斬首獲生以萬計一方以靖吳赤烏二年卒子翥嗣

吳志參江表傳

李衡字叔平羊衡薦之爲郎陳呂壹權姦數千言壹被誅大

武陵縣志

卷之二十五

人物志

仕蹟

二

見顯擢後爲丹陽太守

襄陽記

案明統志衡常遣客於武陵龍陽洲作宅種橘自謂吾州里其妻習氏函史亦作武陵人

晉

潘京字世長弱冠郡辟主簿太守趙廞甚器之問曰貴郡何以名武陵京曰鄙郡本名義陵在辰陽縣界與夷相接數爲所攻光武時移東出遂得全完共議易號傳曰止戈爲武詩曰高平曰陵於是名焉舉秀才到洛尚書令樂廣與談累日歎曰君天才也恨不學耳若學必爲一代談宗京感其言遂勤學不倦歷巴邱邵陵泉陵令明於政術路不拾遺遷桂林

太守不就歸

晉書本傳

唐

韓約本名重華志勇決畧涉書有史幹歷兩池權鹽使虔州刺史交阯畔領安南都護太和九年代崔鄴為左金吾衛大將軍約縣錢穀進安南本富饒聚資尤多韓愈有送約歸所

治序

見藝文唐書

宋

柳拱辰其先青州人五季時避地武陵遂為邑人舉進士通判鄂岳州至和二年以尚書職方員外郎知永州有惠政嘗建州學立子厚祠堂於學東為文記之工書今朝陽巖華陽巖題名猶存致仕歸築歸老橋曾鞏為之記永州府志

武陵縣志

卷之三十五

人物志

仕蹟

三

柳應辰仁宗寶元元年進士仕至尚書都官員外郎永州通判有詩刻浯溪石上容齋五筆

湖廣通志柳應辰知道州夜有物引手人窻應辰援筆多押字於其手而去明日見於州治後古槐上虞廟前江邊多巨石其下巖穴中有水怪人多溺死應辰作大字於石上押之字高三尺廣二尺信宿風雨冥晦霹靂中巨石兩拆逾數日有斃龜浮出患遂止案今浯溪石壁上有柳拱辰押字事與此同永州志無應辰事恐此誤

柳平字子儀拱辰子舉進士元祐中知筠州江西民素健訟及子儀守筠政尚清簡訟漸以無新燕居之堂榜曰江西道院以鼓舞其俗黃庭堅為之賦府志

黃庭堅江西道院賦並序曰江西之俗士大夫多秀而文其細民險而健以終訟為能由是玉石俱焚名曰珥筆之民雖有辨者不能自解免也惟筠為州獨不器於訟故筠州太守號為江西道院然南康廬陵宜春三郡並蒙惡聲

元祐八年武陵侯子儀守筠之西道院以鼓舞之媿使風
政者不勤乃新燕居之堂榜曰江明道來告成雖風氣永
且爲高安之父老曰若乃秋九月遣使別於雙井之
思堂於美俗之可悅故筠州學下後解牛而割未嘗發
初不折缺云云又書筠州學記後云書不曾舍人作高
乃安學記所記書不於予予告之以七年弟乘雅善小
士書大夫不知侯古文以書室而九於又安能而發揮之
柳侯曰曾子之文章皆妙蓋勒之咸陽而垂世傳於後必
三代侯之鼎彝其字書皆妙蓋勒之咸陽而垂世傳於後必
能者吾爲古不流俗者矣柳侯名單字子儀也予觀柳
侯可爲好古不流俗者矣柳侯名單字子儀也予觀柳

鍾正甫治平乙巳進士與米芾善樞密蔣之奇器之爲廣東
轉運使有政聲蔡京惡之入其名黨碑坐謫賀志

邢鐸其先鄭人父倬知鼎州因家焉鐸以蔭入官連倅五郡

武陵縣志

卷之三十五

人物志

仕蹟

四

後倅襄與帥爭疑獄因不仕起知興國軍秩滿歸武陵號復

菴居士

府志

元

夏若水至元間授温州路總管初至郡值歲歉廣招米艘民

賴以濟

一統志

明

馬汝舟元末聚鄉兵爲保障明初率眾歸附總兵徐丞相就

令知府事汝舟開創郡治收戢流亡教耕稼令俊秀讀書草

昧之初民獲安堵

府志

劉廷蘭洪武丙子舉人歷官布政司理問工部郎中遷交阯

按察司僉事奉職清慎終惠州知府

府志

張以證建文己卯舉人仕至河南布政司參議勤於其職時

論稱之

明一統志

何穎建文庚辰進士知峨眉縣興利除弊邑人失牛吏捕得盜穎疑其冤禱於神果得真盜累遷江西按察司僉事永樂七年妖賊李法良爲亂剿平後有司捕其餘黨多株連穎悉

興辨理人咸感戴

通志

翟霖永樂甲午舉人授湖州府通判巨室抗賦不納霖持法無敢撓怨者陰中以他事落職歸性清介不取非義祀鄉賢

府志

武陵縣志

卷之二十五

人物志

仕蹟

五

楊輔永樂丁酉舉人官刑部主事轉郎中讞獄平允歷雲南

山東按察使

楚紀

鄧崙字維玉永樂甲辰進士官兵科給事中疏陳軍務十事曰選將領練士卒汰冗員犒邊軍去積弊謹失機禁侵漁嚴紀律貸貧之徙達官忤旨出補辰蘆運使建鹽課利害十餘事俱允行民賴其惠商賈以通終兵部侍郎

通志

余伯良知青神縣潔己愛人去久人猶思之

賀志

陳文質永樂貢生授雲南安甯州同知持身廉謹和輯諸夷

仕至廣東按察司僉事

楚紀

朱應祖永樂貢生由人材科授監察御史遷四川按察使以

廉能稱

明一統志

余士賢永樂貢生授順天府治中以才著擢知蘇州府綜理

繁劇有政聲

楚紀

李光學永樂貢生知直隸興化縣政存仁厚廳前有鵲巢一

雛飛去一折翅獨留光學取藥傅之愈亦飛去後光學病思

魚忽有鵲銜一編置庭中烹食病愈人以爲愛物之驗

府志

何秀永樂中以賢良知天台縣興學校課農桑撫恤孤幼士

民賢之

府志

馮維字文綱正統乙丑進士授刑部主事擢郎中決獄勤慎

出爲廣西布政司參議轉貴州參政皆廉平有聲

府志

武陵縣志

卷之二十五

人物志

仕蹟

六

劉璟字時瑩成化丙戌進士知霑化縣清苦自勵邑中奸豪

攬輸芻餉多侵牟璟禁戢甚嚴民困以蘇擢監察御史出按

山西憲度嚴明貪吏望風解綬晉藩訟民奪其田璟察其非

仍判還民及去晉民號泣送之

楚紀

楊維字憲維成化壬辰進士官行人出知夔州府爲政簡易

嘗驅虎患蜀人德之年六十詔賜三品服里居時捐田七十

畝爲府學田

楚紀

陳策字廷獻成化丁未進士知宜興縣有能聲擢監察御史

論事得大體出按廣西貴州持憲忠厚甲子監試河南以得

人稱子大韶宏治戊午舉人孫祿嘉靖乙酉舉人

府志

萬璽字廷用父殊景泰庚午舉人河南鎮平教諭有學行璽初隨父之官舉成化戊子鄉試授漢州知州才畧明敏招徠流亡四百餘戶建橋梁興學校均賦役州大治弟璇字廷器宏治庚戌進士知蕪湖縣歲荒勸富民助賑全活甚眾興學育士有政聲璇子楷松楷有才名舉正德庚午鄉試官蕭山教諭松字藉山正德丙子舉人知龍游縣邑多盜松獲之輒匾其門曰盜賊之家一年後路不拾遺擢知蘇州府松孫井

嘉靖甲子舉人知濟源縣

府志

姜輔字文佐成化貢生少貧力學縣令遣子受經或以私事干輔謝曰貧吾分也豈能效人厚顏搏錙銖利耶卒業太學

武陵縣志

卷之二十五

人物志

仕蹟

七

授瓊州推官益勵初志有海船私貨被執饋金五百不受置其人於理清風凜然祀鄉賢

府志

楊禴字介福宏治壬子解元丙辰進士改庶吉士歷刑禮兵吏四科給事中外藩以方士進禴疏言羽流幻術不宜蠱惑聖心內戚某橫行疏其不軌武宗書其名御座奏免常德衛孳生馬匹遇民間利病數遺書當路有與黃巡撫請賑荒書尤切至

見藝文志

以忤劉瑾致仕歸構聞山精舍偕蔣信冀元亨

講學瑾敗起吏科給事中轉通政使晉太僕寺卿祀鄉賢曾

孫伯高字龍起萬曆庚子舉人知崇慶州居官清潔里居後

喜與後輩論文博洽不愧其家學

一統志參賀志

陳洪謨字宗禹宏治丙辰進士授刑部主事知漳州有惠政累官雲南布政使值習阿苗亂與都御史何孟春平十八寨晉副都御史備陳張原毛玉裴紹忠王思王相胡瓊妻子流離狀請卹於朝諸人皆以諫大禮杖死者巡撫江西纂修輿志重建滕王閣閣後爲祠祀文文山謝疊山泰和羅欽順序之入爲兵部右侍郎兼本部尚書乞休歸築高吾書院纂輯郡志卒贈兵部尚書賜祭葬祀鄉賢著有靜芳亭稿子一德嘉靖乙酉舉人蘇州府推官有賢聲曾孫已聞以廕仕至上林院右監正從子一能幼能詩文年十一列諸生嘉靖戊午舉於鄉知江津縣有清操及歸書籍外無長物從孫思育別

武陵縣志

卷之二十五

人物志

仕蹟

八

有傳

府志

羅欽順重建滕王閣記 都御史武陵陳公洪謨以宏才偉望撫循江右百度旣飭爰及於茲閣之後爲堂三間以祠文文山謝疊山二公名曰二忠祠表章忠烈廟貌顯嚴高山景行嚮祈斯在蓋古之君子凡有興作未嘗不致其慎至若維持政教之具爲天下國家之所不容已者則往往相規相勸而爲之故觀於是役之成而君子之政可知也

龍炎字廷重正德戊辰進士考官王鏊雅重之歷知上饒長樂以勤慎陞刑部主事時劉瑾雖誅焉永成谷大用猶用事每陷朝士於極刑炎上卹刑疏有云周穆王車轍遍天下賴晚年呂刑之作哀矜惻怛猶不失爲令主時帝數遊幸惡其言二璫復譖之適榮藩請傳璫言炎武陵人可任是職出爲

榮府右長史在任十六載每事匡救王貌從心拒炎以傅王
無狀致仕著有公餘草小樓集祀鄉賢

賀志參龍氏家乘

龍翔霄字泰渠父珣夢擢叢桂而生初名飛霄王守仁過武
陵爲易名舉正德己卯鄉試知閩中縣郡守紀政務寬厚翔
霄持其平邑人歌曰誰謂郡撫郡有紀母誰謂邑阜邑有龍
父調知太和麗江番民以修怨搆兵所部檄翔霄亭治之議
平而解累擢南京戶部郎中出知程番

程番二字疑誤

府郡治犬牙

八番故習剽剝翔霄繕關梁譏出入有告禦者則坐諸番併
力取償番計窮無敢犯讞安順囚平反顧氏一門寃獄出論
死者七人徒流者數十人金石司事起開府屬翔霄悉徵發

武陵縣志

卷之二十五

人物志

仕蹟

九

示必加兵長官石顯華懼誅請涖治翔霄躬臨境上繫首事
者餘勿問事遂寢代學使錄六部諸生多得人督建黔城恤
役夫均勞逸士民感之爲立祠值大計吏索千金乃請老其
學源出守仁不盡主其說六書文藝俱有師法祀鄉賢子德
中竹溪訓導德懋青陽教諭德化嘉靖丙午舉人判徽州工
詩畫德孚自有傳

府志

徐鎧正德貢生知陳留縣除苛政修學課士卓有政聲校童
子試得一卷極賞之後登第官常德爲恤其孤孫人兩稱之

賀志

林仲芳字茂之正德貢生性謹飭與物無競貫穿經史從遊

者眾入監授分宜主簿委運京儲以勞瘁致疾卒於官位不稱才時人惜之

賀志

陳仲錄字子載嘉靖癸未進士知新城縣有廖氏兄弟爭訟十年仲錄並械之出入與俱月餘悔泣伏罪卽宥之友愛如初葬暴骨數百棺課最除刑部主事恤刑關中多平反仕至山東按察副使告歸周卹鄰里構宗祠置義田祀鄉賢子可登字望夫萬曆丙子舉人官南詔長興教諭端嚴率士名俊多出其門擢鞏昌府通判督餉西甯以議戰守不令調潯州乞休歸載圖書數篋語家人曰昔賢宦此者以航海故載石今瀧舟宜輕吾免此累矣晚益好書籍手自鈔校結木奴詩

武陵縣志

卷之二十五

人物志

仕蹟

十

社祀鄉賢可禹字少朗爲文援筆立就性豪侈放情山水豪吟雄辯四座皆驚陳思育題其墓曰武陵才子可登孫之恪字穉恭萬曆乙卯舉人蘄水教諭遷南國子監學錄仕至處

州知府

府志

於文徵字信夫嘉靖庚子鄉薦虎顧虬鬚軀狀甚偉官睢州知州爲政不泥時亦不專襲古法隨事度宜無不盡善課最當獎擢以重違母養掛冠歸

府志

曹司賢字前陽嘉靖庚戌進士知義烏縣歷官四川按察副使執法不阿攝學使事首錄南充黃庶子輝稱得士著有思

古集

通志

□東伯字孟卿嘉靖癸丑進士知葉縣調慈谿再調長洲機敏有謀畧攘剔姦宄人思其功弟東作萬曆貢生皆師蔣信

長洲名宦志

胡舜華字賓南嘉靖丙辰進士知興化縣禦倭有功有昭□保障之譽民鑄像事之擢南兵部郎中轉江西布政參議奉旨籍嚴嵩家畧無所染家素貧俸入置義田贍族無私利祀

卿賢 通志

毛儲元字伯善世父鳳岐正德丙子舉人知贛縣父鳳來嘉靖壬午舉人緜州學正儲元舉嘉靖乙卯鄉試初知石泉縣調延州建城禦敵關中有鐵延州之謠轉揚州同知致仕歸

武陵縣志

卷之二十五

人物志

仕蹟

十一

子詡萬曆甲午舉人知五河縣 府志

唐鍊字純之嘉靖壬戌進士知寶坻縣有守城功入爲工部主事出董呂梁洪豫築鯉魚山缺口衝激漸衰約減捍防帑金萬餘改御史出按廣西建潯江書院土寇韋狼要等作亂鍊與置使 置使二字疑誤 殷正茂巡撫郭應聘檄土兵屬裨將王瑞等討之斬首四千餘級懷遠猺獞反先招降白果大梅諸猺復檄邊帥合剿斬其酋長事平賜賚有差按應天彈劾不避權貴擢副使備兵潁州其地接三省爲盜藪乃懸賞格俾得自首時有請死者四人追其罪收充健步皆感泣願緝盜自贖穎賴以安調徐州以憂歸不復出詩酒自樂清約如□□

志□

龍德孚字伯貞翔霄子嘉靖戊午舉人從蔣信受學十上春官不第授衛輝推官疑獄片言立決部使檄行旁郡民有偕里人商者里人私其囊殺之按之無左驗德孚爲文禱城隍明日其人自械於庭人稱神君權知輝縣修復白泉書院履畝均賦輝人爲祠以祀轉甯波同知歲旱露禱雩壇設粥賑飢全活以萬計奉檄城慈谿起厲石於姚江活溺者無算去之日沈一貫爲作清吏傳入爲南戶部員外郎督淮南板閘權湔除利孔商賈爲立生祠解組歸著有對湘樓集子襄字君超萬曆壬午舉人以父病焚牒不赴公車著有檀園草次

武陵縣志

卷之三十五

人物志

仕蹟

十二

子膺自有傳孫言隆慶丁卯舉人南州知縣

賀志參行狀

陳思育字仁甫嘉靖乙丑進士授檢討充講官典試應天首錄無錫顧憲成累擢中允諭德典試順天再遷祭酒少詹事侍讀學士纂修會典擢禮部左侍郎致仕得賜馳驛歸里祀鄉賢子己任蔭光祿寺丞

府志

楊如震字子康嘉靖甲子舉人知劍州有惠政士民建二賢大夫閣與正德時李璧合享轉廉州同知巨璫馮保遣姪探珠大府不能禁如震拒之觸其怒遷趙王左長史州人泣送立祠以祀子爲舟隆慶庚午舉人歷官成都府通判

府志

龍德謙字崑海炎孫嘉靖甲子舉人湖州教授歸安茅坤謁

之有日臨絃誦觀如堵春到宮牆花滿枝之句知淮南縣調
大田遷平樂同知釐剔奸弊擢知平樂府以勤政致疾請終
養著有世德編子憲字君法天啟辛酉舉人知宿松縣獻賊
陷安慶全家死難憲僅以身免寇退收餘燼招流亡一方倚
為保障俄權使監璫橫行征索仰天嘆曰時勢如此尙何為
哉掛冠歸 賀志參龍氏家乘

姚學閔字汝孝隆慶辛未進士知歙縣清代輸之擾歲減賦
三千有奇酌定糧長成規歛人立生祠祀之司馬汪道昆為
之記入為刑科給事中多所建白轉戶科時差徭繁擾民多
流亡學閔首奏請行一條鞭法天下便之辰常沉三郡漕運

武陵縣志

卷之二十五

人物志

仕蹟

十三

遠阻洞庭時有覆溺之虞學閔奏請各衛軍餉改為折色自
是永無轉漕之苦外轉按察使擢河南左布政釐剔奸弊為
時所忌力請致仕詔加太常卿歸里祀鄉賢 賀志

案龍志嘉靖間於文徵曰吾地惟軍糧納米民糧盡改為
折色則嘉靖間固有漕運也常德衛萬曆九年清丈屯糧
共一萬六千二百零八斗六升賀志辰州衛文武陵陽屯糧
共七千九百二十四石八斗七升各衛奉文改折徵銀是
請罷漕運在萬曆九年時學閔正居諫垣此法之行實賴
其力考明史一條鞭法嘉靖間數行數止至是乃盡行之
迄今二百餘年辰沅常軍糧不復起運永為定制則學閔
之惠澤長矣

蔣信字鄉實晚號道林年十四居喪毀瘠與冀元亨善王守
仁謫龍場過郡偕元亨師焉嘉靖初貢入京師復師湛若水
若水為南祭酒門下士多分教十一年壬辰舉進士授戶部

主事轉兵部員外郎出爲四川水利僉事播州土官以賄進
郤之有道士以妖術惑人置之法遷貴州提學副使建書院
二曰正學曰女明擇士之秀者養之示以趨向使不汨於流
俗龍場有守仁祠爲置義田湖廣清浪五衛諸生鄉試去省
險遠多不能達乃增貴州解額俾附試湖廣征苗都御史某
檄信往湖北議兵餉信聞命卽日就道不及辭御史勘其擅
離職守削籍歸後奉恩例冠帶閒居築精舍於桃花岡學徒
雲集遠方來者以學田廩之信危坐其中絃歌不輟惟家祭
始一入城所至迎請開講卒年七十九學者宗其教稱之曰
正學先生祀鄉賢邑人以之配享三閭大夫弟俊江浦教諭

武陵縣志

卷之二十五

人物志

仕蹟

十四

子如川字維東知雲南歸化縣有學行兼善詩文如止字善
臺歲貢生孫孟奇字平仲益陽教諭以才著曾孫鏞字巨源
善詩能飲年六十城陷罵賊死

湖廣通志
實蹟錄

陳仲命隆慶丁卯舉人歷官嚴州府同知治最擢江西按察
司僉事丁艱歸子六人縉紳綵繡綺緘皆登仕籍有才名紳
字衡陽萬曆丙子舉人知增城縣考滿天下清官第二無子
棄官歸過洞庭遇盜正衣冠端生賊見其圓領以布驚曰清
官也咸羅拜而去善草書與董其昌亞年八十餘卒孫俞聖
字子將天啟辛酉舉人任襄陽府教授知鄰水縣

府志

屠以欽字順安隆慶間貢入南雍大司成取冠六館知同官

縣潔己愛民有感恩者以金爲壽不受修理戰艦覈除舊例
浮費獄火令囚出火息復入無有逃者孫希綱崇禎庚午舉
人兵部車駕司主事 國朝起爲鄖陽教諭 府志

龍膺字君御德孚子萬厯庚辰進士司理新都有神君之號
擢禮部主事數上書陳時政遷國子博士萬厯十年詔選官
女上疏切諫 疏見藝文 帝大怒首揆申時行力救得免謫判邊州

從大司馬田某督軍青海有鎮海邊榨松山之捷大司馬疏
言龍膺以文士躬擐甲冑與臣並立於矢石桴鼓間鋒鏑之
事乃臣之事臣所甘心彼亦何爲而涉危蹈險一至如此有
旨叙錄入爲戶部郎中久之出爲山西按察司僉事有上兩

武陵縣志

卷之二十五

人物志

仕蹟

十五

臺轉題災異疏

見藝文

轉甘肅參政復持節張掖酒泉甫馳入

境卽有暖泉之捷踰年又有麻山之捷先後撻伐擴地千里
入爲太常寺卿歸休沐逃禪疏布自甘俸入盡散親友祀鄉
賢著有九芝集子人儼字孝若以明經官漢陽教諭潛心理
學作興士類擢知汧陽縣有惠政解組歸欲竟所學晚號惕
菴茹素十五年夏不扇冬不爐有康節百源之風 府志

商書字文載萬厯癸酉選貢廷試第一授丹陽訓導署丹陽
縣事一介不苟申雪祭酒姜寶之忠轉瀏陽教諭致仕歸著
有墨池集祀鄉賢丹陽祀名宦 府志

王佐字小虞萬厯丙戌進士授吉安府推官政稱明允厯官

吏科給事中神宗時抗疏請建儲被放光宗立召爲太僕寺丞歷太僕寺卿告歸祀鄉賢

府志

吳崇教萬曆戊子舉於鄉知廣西容縣縣多毒草民以小隙輒服殞命陷其讐崇教飭毒草致傷者俱反坐又令民納毒草有根者計輕重給賞於朔望焚之俗以大變歲旱捐俸糴米鄰郡勸富戶出粟助賑民不知飢

通志

朱大統純篤以孝聞萬曆甲午舉人知代州致仕予四品服子國昌以選貢令浮梁先是大統爲州守時值歲饑捐俸賑粥委一老吏督之多所全活至是國昌舉子之夕見老吏入其家而生小名曰代弱冠舉於鄉

府志

武陵縣志

卷之二十五

人物志

仕蹟

十六

夏尚忠初爲諸生有文譽任本衛指揮使始習弓弩洞庭盜發屢有擒獲功貴筑安宣慰殺其族弟舉兵相攻督臣檄尙忠往諭至則諸蠻懾服事寢餽以金不受尋遷雷連參將歸注書如諸生時從弟尚金萬曆乙卯舉人歷官應天府治中有能聲

府志

王道成字筠谷萬曆甲午舉人知雩都縣時他府錢糧欲飛加南贛羣縣不能爭道成力排其議遂止擢吉安同知署吉水安福兩縣修白鷺書院首拔楊以任致仕歸捐資修北關外石橋並倡修榮王寺石橋

府志

曹元龍萬曆癸卯舉人知遂甯縣藺逆之變破蜀四十餘城

遂甯逼處賊界元龍親督軍民乘城守禦賊累攻不下擢刑部員外郎出爲雲南知府

府志

楊鶴字修齡萬曆甲辰進士知雒南縣調長安萬曆四十年擢御史疏請東宮講學出督兩淮□法巡按貴州貴州土官以百數水西安氏最大戶口貢賦之屬無籍可稽鶴檄宣慰使安位盡著之籍並首領目把□名承襲原委悉列上有司自是簿牒始清奸弊易核久之還朝楊鎬四路師敗鶴言遼事之失不料彼已喪師辱國誤□□□□機宜馬上催戰誤在輔臣調度不聞束手無策□□□部至尊優柔不斷又至尊自誤當事惡其直將假他事□之乃引疾去天啟初起

武陵縣志

卷之二十五

人物志

仕蹟

十七

太僕少卿擢右僉都御史巡撫南贛廣甯之敗魏忠賢以鶴黨護熊廷弼除名崇禎元年召拜左僉都御史進左副都御史鶴上言圖治之要在培元氣自大兵大役加派頻仍公私交罄小民之元氣傷自遼左黔蜀喪師失律暴骨成邱封疆之元氣傷自縉紳構黨彼此相傾逆奄乘之誅鋤善類士大夫之元氣傷譬如重病初起百脈未調風邪易入道在培養時以爲名言先是遼左□兵逃軍憚不敢歸伍相聚剽虜值關中頻歲稔有司不恤□□水王二者鳩眾黑其面闖入澄城殺知縣張耀采由是府谷王嘉允漢南王大梁階州周大旺羣賊蠡起三邊饑軍應之流氛之始也時承平久卒被兵

人無固志大吏惡聞賊曰此饑氓徐自定耳明年總督武之望死久之廷臣莫肯往者羣推鶴帝召見鶴問方畧對曰清慎自持撫恤將卒而已拜兵部右侍郎總督陝西三邊軍務至則大梁大旺王二已前誅而繼起者益眾鶴素有清望然不知兵其冬京師戒嚴延綏甯夏甘肅固原臨洮五鎮總兵官悉以勤王行延綏兵中道逃歸甘肅兵亦譁懼誅並合於賊賊益張王左掛等攻韓城軍中無帥鶴命參政洪承疇禦之俘斬三百人圍解賊走清澗鶴連疏請諸將還鎮不果起故將杜文煥任之二月延安知府張輦都司艾穆蹙賊延川降其魁王于順張述聖姬三兒別賊王嘉允掠延安慶陽鶴

武陵縣志

卷之二十五

人物志

仕蹟

十八

匿不奏而給降賊王虎小紅狼一丈青掠地虎混江龍等免死牒安置延綏河曲間賊淫掠如故有司不敢問寇患成於此矣七月嘉允陷黃甫清水木瓜遂陷府谷文煥擊走之賊流入山西已撫王左掛以白汝學攻綏德州謀內應事覺巡按李應期與洪承疇計誅左掛等綏德五十人皆死十二月賊神一元攻陷新安甯塞等堡甯塞文煥所居宗人多死賊棄甯塞陷保安一元死弟一魁圍慶陽陷合水鶴聞移駐甯州一魁求撫送還合水知縣蔣應昌別賊拓先齡金翅鵬過天星田近菴獨頭虎上天龍等亦先後降鶴設御座於城樓賊跪拜呼萬歲鶴宣聖諭令設誓或歸伍或歸農賊佯應之

則立赦其罪羣盜自是視總督如兒戲矣又以一魁最强致其壻帳中同臥起一魁至畀以官處其眾於甯塞文煥聞之歎曰甯塞之役畏賊而逃今賊僞降楊公信之借名城爲盜資我宗人可逼處此土乎遂以其族行鶴移駐耀州別賊李老柴獨行狼攻陷中部田近菴守馬欄山應之而降渠一魁之黨茹成名者尤桀驚鶴令一魁誘殺之於耀州其黨猜懼挾一魁以叛御史謝三賓言鶴謂慶陽撫局旣畢賊散遣俱盡中部之賊甯自天降疏下巡按御史吳甡覆奏鶴主撫誤國帝怒逮鶴下獄戍袁州子嗣昌擢宣大山西總督疏辭言臣父鶴以總督蒙譴三年臣何心復居此職帝優詔答之而

武陵縣志

卷之三十五

人物志

仕蹟

十九

不赦其罪冬卒於戍所嗣昌請卹帝復鶴官不予卹

明史本傳

楊嗣昌字文弱萬曆庚戌進士改杭州府學教授遷南京國子監博士累進戶部郎中天啟初引疾歸崇禎元年起河南副使加右參政移霸州四年移山海關飭兵備父鶴總督陝西被逮嗣昌三疏請代得減死五年夏擢右僉都御史巡撫永平山海諸處嗣昌父子不附奄無嫌於東林侍郎遷安郭鞏以逆案謫戍廣西其鄉人爲訟冤嗣昌以郭氏故聞於朝給事中姚思孝駁之自是與東林有郟七年秋拜兵部右侍郎兼右僉都御史總督宣大山西軍務時中原饑羣盜蠡起嗣昌請開金銀銅錫礦以解散其黨又六疏陳邊事帝異其

才以父憂去又遭繼母喪九年卽家起拜兵部尚書三疏辭不許每對必移時所奏無不聽曰恨用卿晚嗣昌乃議大舉平賊請以陝西河南湖廣江北爲四正四巡撫分勦而專防以延綏山西山東江南江西四川爲六隅六巡撫分防而協勦是請十面之綱復以總督總理之隨賊所向專征討議增兵十二萬增餉二百八十萬尅今年十二月至明年二月爲滅賊之期帝可其奏明年三月嗣昌以滅賊踰期疏引罪薦人自代帝不許命察行間功罪議上帝悉從之改禮部尚書兼東閣大學士入參機務仍掌兵部事廷臣以疆事益壞交章劾嗣昌誤國罪嗣昌亦不自安屢疏引退乃落職冠帶視

武陵縣志

卷之二十五

人物志

仕蹟

二十

事未幾以叙功復之及羅漢山敗帝大驚特旨命嗣昌督師賜尚方劍以便宜誅賞九月朔召見平臺嗣昌曰君言不宿於家臣朝受命夕啟行軍資甲仗望敕所司遣發帝悅曰卿能如此朕復何憂御製贈行詩一章嗣昌跪誦拜且泣越二日陛辭抵襄陽大誓三軍督理中官劉元斌湖廣巡撫方孔炤總兵官左良玉陳洪範等畢會嗣昌專勦獻忠屢敗之於興安求撫不許其黨托天王常國安金翅鵬劉希原來降獻忠走入川良玉追之與陝西副將賀人龍李國□夾擊獻忠於瑪瑙山大破之斬馘三千六百二十墜巖谷死者無算其黨掃地王曹威等授首十反王楊友賢率眾降是月也帝念

嗣昌發銀萬兩犒師賜斗牛衣良馬金鞍各二使者甫出國門而瑪瑙山之捷至帝大悅再發銀五萬幣帛千犒師論功加太子少保而湖廣張應元汪之鳳敗賊水石壩獲其軍師四川張令方國安敗之千江河李國奇賀人龍等敗之寒溪寺鹽井川陝湖廣諸將畢集復連敗之黃磬木瓜溪軍聲大振嗣昌入川謂川地扼塞諸軍合而蹙之可盡殄而人龍以秦師自開縣譟而西歸應元等敗績於夔之土地嶺獻忠勢復張十四年正月嗣昌知賊必出川遂統舟師下雲陽檄諸軍陸行追賊與賊戰開縣黃陵城大敗將士死亡過半馬羸關防盡爲賊有賊遂下夔門抵興山攻當陽鄖陽撫治袁繼

武陵縣志

卷之二十五

人物志

仕蹟

二一

咸聞賊至當陽急謀發兵獻忠令汝才與相持而自以輕騎一日夜馳三百里殺督師使者於道取軍符以二十八騎先馳持軍符呼襄陽城門調兵守者合符而信入之夜半從中起城遂陷獻忠縛襄王置堂下屬之酒曰吾欲斷楊嗣昌頭嗣昌在遠今借王頭俾嗣昌以陷藩伏法王努力盡此酒遂害之初嗣昌以襄陽重鎮勿深溝方洫而三環之造飛梁設橫桓陳利兵嚴譏訶非符合者不得渡江漢間列城數十倚襄陽爲天險賊乃出不意而破之嗣昌在夷陵驚悸請死下至荊州之沙市聞洛陽已於正月被陷福王遇害益憂懼遂不食卒袁繼咸及河南巡撫高名衡以自裁聞其子以病卒

報莫能明也帝傷悼之諭廷臣曰輔臣二載辛勞一朝畢命然功不掩過其議罪以聞定國公徐允楨等請以失陷城寨律議斬上傳制曰故輔嗣昌奉命督勦無守城專責乃詐城夜襲之檄嚴飭再三地方若罔聞知及違制陷城專罪督撫非通論乃昭雪嗣昌罪賜祭歸其喪於武陵後獻忠陷武陵恨嗣昌發其七世祖墓暨嗣昌夫婦柩斷其屍見血其子孫獲半體改葬焉節明史本傳

陶汝鼎孤兒顛天錄序明之季亂莫大於寇宸鑒事之稗子亦莫瀆於寇最後武陵相公奪情孤立獨於蒙然天野授鉞羣工張弧蹇蹇焉矢報國之心以盜十數萬之迫瑪三

武陵縣志

卷之三十五

人物志

仕蹟

一一一

刀賊怨椎其邱墓而騰謗不止致相小下廷尉一切受惡名若得訟不仰天而大得已哉公次齋志仲勞始為久辨謗於上帝而孝園一札矯誣無端頃聞帷幄者亦痛此坊刻日繁深文巧詆是得負劍以奉尊人於帷幄者亦痛此坊刻日繁深文巧詆是得不取其證於邱史臚列秦關匪細也刻成已久屢徵與予言下質然先生以答司農而乞假著武陵世官集儼然負匡濟之後望丁弱先不能以司農而乞假著武陵世官集儼然負匡濟之後望丁丑再上春官則窮先生才固量召相見但以談邊付我曰必人臣謀國心何窮而才固量召相見但以談邊付我曰必人公十年無事相對如秦人視越策力俱安之何從吏獨坐子當見我之摧覆矣然公出師閩之外幸鑒任而自負賢臣者利欲擯所逆覩也竊歎公為明主之外幸鑒任而自負賢臣者利欲擯之為羣盜之隕星而比年明主歌悖史之天豈不祚明遂有此事武陵之隕星而比年明主歌悖史之天豈不祚明遂末息也但瀨園此謂嚴首昇如風雷發騰而乘箕尾者可無憾矣

之王士禎地北□□談余嘗嚴謂武昇陵周聖情事後人武陵之所過刻遂

云子謗夏問曰以三□年黃石喪金革之故事論無避多少之非耳案曾曰吾

聞之喪卒哭曰昔征之魯公羊傳禽有子為之也注曰難退而徐致戎

位以究私恩春秋亦紀晉前漢翟方進之事漢唐以來遂有

服視朝後漢宰相以百執事皆起復如奪服宋王性元之默晏

元獻云未持上服陳公非盡在百日起復此蓋朝廷體貌况在

顧倫不責李文而責此風始息又考明初諸美事然南陽以一羅峯一

武陵過以石齋獨受惡名則不幸也籌帷幄原乖術畢命疆

場匪愛身世亂始知後才不易督師死後更無人將首惡赦

周顯鶴沅湘耆舊集案文弱受謗之由始於不附東林而

武陵縣志

卷之三十五

人物志

仕蹟

二三

一天下乃侈然諸和之私家記喙載里巷小說嬉笑怒罵不幾於身力

無完膚是首餒騰天迄今二百年不息則嚴弱首視一札不復之

以輩行相推瀨園輩積憤不平此事一札矯誣無端語於新

楊山松字長蒼嗣昌長子以祖廕襲錦衣衛指揮改授監紀

同知幼在軍中才畧明敏目光如電有小飛將之稱嗣昌綜

軍實露章千奏皆出其手嗣昌卒哀毀幾不欲生入 國朝

譔孤兒顛天錄雪父冤購求祖父文集哀錄成帙吳逆之變

欲訪楊氏子孫授僞職乃遁之江南號忍古頭陀顧亭林詩

云督師公子竟頭陀詩筆崢嶸浩氣多兩世心精知不遂待

誰更奮魯陽戈可以想見其人弟山梓山榦山梓字仲丹以

父廕中書改轉餉通判授兵部職方司主事有辨謗錄山□
字季元襲錦衣衛百戶流寇陷常德山楸與兩兄募義復□
賊令執楊氏一人者予千金山楸竟爲伍伯所得至城南之
龍灣漁人伍立伏委巷突出大呼曰楊氏世德何負於汝出
白梃斃之山楸亦拔所佩刀殺數人得脫以孫紹貴贈如其

官

沅湘耆舊集
府志參

胡永順字助之萬曆丙辰進士任太平推官擢兵科給事中
時張鼎以名望入相督臣張我肅兵譟張鶴鳴援黔逗遛永
順以一疏連劾之朝野震悚魏璫初竊柄知其必爲國患疏
詆之帝爲動容批其疏曰具見忠愛旋告歸莊烈帝立遷禮

武陵縣志

卷之二十五

人物志

仕蹟

二四

科都給事祀鄉賢子世安天啟貢生知養利州

府志

唐紹堯字二華天啟壬戌進士知高陽縣時魏忠賢擅權高
陽其湯沐邑生祠極麗日奏樂上食紹堯下車首禁之又璫
姪冉世魁與叔爭產相屠紹堯籍其家資充軍餉忠賢怒逮
之紹堯自獄中上疏劾忠賢

見藝文志

忠賢益怒必欲置之死會

首揆李國楫力救乃稍解於是誣罪坐贓三萬囹圄箠楚三
年無完膚莊烈帝立出紹堯獄中擢兵部武選司郎中出知
開封府遷分巡汝南道副使信陽羅山間土寇盛二郭三海
者各嘯聚數萬人與流賊爲聲援紹堯出奇擒斬之適當事
有南陽之敗恥之且妒其功左遷山東鹽運使改廣西平□

府遷陝西清軍驛傳道副使時關中荒遺孤兒滿道捐俸收養所活以萬數分守浙西道右參政復以謗左遷廣西靖江道擢布政使靖江王叛勢比宸濠紹堯率標卒三百擊擒之粵難以平明末起貴州巡撫晉戶部右侍郎以足疾告歸病革語其子誠誼當破家勤王大呼忠孝二字挈定遂卒諡文貞祀鄉賢著有愚園詩集弟思堯字君贊恩貢生知彭水縣擢戶部主事紹堯遭魏璫禍棄家隨都中人稱義弟心堯有傳見忠烈子誼誠訪誼傳見忠烈

府志

武陵縣志

卷之二十五

人物志

仕蹟

二五

午癸未聯捷授中書舍人歷少詹事乞終養後以父遺命募兵規復郴沅等州同瞿式耜守桂林進文淵閣大學士督五省義師與何騰蛟相犄角得湘潭警報誠倍道援之不克奔端州圖恢復及辰常連破兄誼死母俘入粵脅誠誠號泣數日歎曰趙苞何人忍使母戕遂自囚贖母主兵禮遇之不屈國初釋歸里胡統虞廷薦之誠作詩曰無如世相韓此義不忍絕初因義釋來僅爲老母設云云得遂志隱秦人山祀

鄉賢

通志

唐訪字周之寄籍廣西中壬午鄉試第一巡撫黃錫衮吏部瞿式耜見其五策歎爲奇才永明時特疏入告授翰林院庶

吉士知制誥備顧問上六代中興法戒奉命歸楚聯絡勲鎮
何騰蛟等值父喪知時不可爲遂痛哭祝髮築食苦菴以終

通志 沅湘
耆舊集

王大捷字仙掌崇禎庚辰進士授行人會試分校名雋多出
其門改御史以清操著

府志

莫文原名廷軸服賈江浙天啟末盜起不得歸遂從軍以功
累擢副將崇禎癸未同監軍道熊飛總兵溫如珍防守郡城
民以安堵事詳紀兵

武陵縣志

卷之三十五

人物志

仕蹟

二六

武陵縣志卷之三十五終

同治癸亥
鉛本